



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. XV. De virginitatis excellentia, & votis adimplendis.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

sollyrii  
 Hæreti-  
 eorum  
 Lib. II.

nus ait ; qui Psalmum exactè non  
 intelligit, credit tamen aliquid san-  
 sti esse in eo quod cantat, omnino sine  
 fructu non est. Deus enim psallentis  
 cor magis quàm verba attendit. Planè  
 qui benigna & religiosa mente precatur,  
 etiam si lingua sibi incognita oret, eximiam  
 utilitatem eximiumq; meritum refert.  
 Quemadmodum ægrotus quisque potionem  
 medicinale[m] convenienter sumens, sanitati  
 restituitur, licet ipsius potionis virtutem  
 ignoret ; & qui supplicationem in charta  
 conscriptam misericordiam Principi humiliter  
 reverenterq; offert, obtinet id quod illa  
 supplicatio postulat, etiam si ipse verba  
 ejusdem suæ supplicationis non intelligat.  
 Nos sanè majori affectu præsentiorique  
 animo plerumque precamur, dum intelligimus  
 verba quæ in oratione proferimus, quàm  
 si non intelligeremus : non tamen ob id æ-  
 quissima honestissimaque consuetudo, quæ  
 multis sæculis in Ecclesia DEI observata  
 fuit, temerè immutanda est. Qui privatas  
 orationes Deo pro sua voluntate offert,  
 potest eas quæ voluerit lingua offerre :  
 sed illas, quas ex instituto majorum tanquam  
 Ecclesiæ minister peragere obstritus est,  
 non alia lingua persolvere debet, quàm  
 quæ præcipit vel concedit ipsa Ecclesia. Hic, sicut  
 & ubique, obedientia melior est, quàm  
 propriæ voluntatis prosecutio. Inter omnium  
 gentium linguas hæc tres in titulo Crucis

apta si-  
 militudo  
 medicina

libelli  
 suppliciu.

Non pro-  
 hibet Ec-  
 clesia pri-  
 vatis or-  
 rare lin-  
 gua vul-  
 gari.

Ioan. 19  
 Marc. 15

Christi specialius rebus divinis  
 consecratae sunt, Hebræa, Græca,  
 Latina.

## CAPUT XV.

De virginitatis excellentia, & vo-  
 tis adimplendis.

1. Sancta virginitas & continentia melior  
 est, quàm sanctus usus matrimonii.

2. Potest per Dei gratiam servari, licet  
 Deo vovetur : sed qui eam voverit, non potest  
 absque peccato à voto revocari.

3. Sic & alia vota nuncupare nemo cogitur,  
 potest tamen qui vult ea sanctè facere, & si fecerit,  
 servare teneri.

SANCTAM virginitatem sancto  
 conjugio potior esse, nullus  
 sanæ mentis dubitat. Unde Pa-  
 tres Orthodoxi castum conjugium  
 argento, puram virginitatem au-  
 ro assimilant. Joannes Baptista,  
 & plerique ex Apostolis Aposto-  
 lorumq; discipulis, virgines per-  
 manserunt : multa item tam viro-  
 rum quàm feminarum millia in  
 Ecclesia olim continentiam vo-  
 verunt (sicut Historiæ Ecclesiasticæ  
 & virorum Apostolicorum  
 scripta abundantissimè testantur)  
 eamque cum adiutorio & gratia  
 Dei ad mortem usque servarunt.  
 Sed & hodie infinita utriusque se-  
 xus multitudo illam vovet, atque  
 custodit : sciens bonum esse homini  
 ( ut ait Apostolus ) mulierem non  
 tangere, & quia qui sine uxore est,  
 sollicitus est quomodo placeat DEO :  
 mulier item innupta & virgo cogi-  
 tat quæ Domini sunt, ut sit sancta  
 corpore & spiritu. De talibus Chri-  
 stus dixit : Sunt qui seipsos castra-  
 verunt propter regnum celorum.

Qui



collyrii  
Hæreticorum  
Lib. II.  
2.  
Ante vo-  
tum vir-  
ginitatis  
licet nu-  
bere, non  
poff.  
Phillip. 4.  
1. Tim. 5.  
Audia-  
tur S. Au-  
gustinus,  
vel qui si-  
quis est,  
de Fide  
ad Petru  
cap. 3.  
1. Cor. 7.  
3.  
Nemo  
gitur vo-  
vere: sed  
vota libe-  
re reddere,  
qui vo-  
vit, cogi-  
tur.  
Deut. 23.

Qui incontinens est, & tenta-  
tionibus stimulisque carnis per  
invocationem divini auxilii at-  
que animi diligentiam non resi-  
stet, neminem credit posse conti-  
nenter vivere; cum tamen dicat  
Paulus: *Omnia possum in eo, qui me  
confortat.* Liberum quidem est ei qui  
continentiam non vovit, tradere  
se conjugio: sed qui voto & p[ro]fes-  
sione se obstrinxit, si jam corpus  
Deo consecratum polluere per car-  
nis commixtionem non timuerit,  
juxta Apostoli sententiam habe-  
bit damnationem, quia primam fi-  
dem irritam fecit. Hinc Aug. de fi-  
de ad Petrum ait: *Secundum Apo-  
stoli dictum, Qui statuit in corde suo  
firmus, non habens necessitatem, po-  
testatem autem habens sue volunta-  
tis, & vovit continentiam Deo, de-  
bet eam usque in finem tota mentis  
solicitudine custodire, ne damna-  
tionem habeat, si primam fidem ir-  
ritam fecerit. Similiter & conju-  
gati viri & conjugata mulieres, si ex  
consensu perennem voverint DEO  
continentiam, noverint se sui voti  
obnoxios detineri, nec jam sibi debere  
commixtionem carnis, quam prius  
licitam habuerunt; sed Deo se de-  
bere continentiam, quam voverunt.*  
Hæc Augustinus.

De votis Scriptura ita loqui-  
tur: *Cum votum voveris Domino  
Deo tuo, non tardabis reddere: quia  
requirit illud Dominus Deus tuus,  
& si moratus fueris, reputabitur ti-  
bi in peccatum. Si nolueris pollice-  
ri, absque peccato eris. Quod autem  
semel egressum est de labiis tuis, ob-*

*servabis, & facies sicut promisisti  
Domino Deo tuo, & propria volun-  
tate & ore tuo locutus es.* Rursum  
ait Scriptura: *Vovete, & reddite* Psal. 75.  
*Domino DEO vestro.* Rursumque:  
*Si quid vovisti Deo, ne moreris red-  
dere: displicet enim ei infidelis &  
stulta promissio, sed quodcumque vo-  
veris, redde: multoq[ue] melius est non  
vovete, quam post votum promissa  
non reddere.* Bonum igitur & lau-  
dabile est, vovete, at execrandum  
& damnabile, vota non reddere.  
Sicut nullus vovete cogitur, ita  
qui Deo vovit, si non impleverit  
quod vovit, justè punietur.

## CAPUT XVI.

## De calibatu Clericorum.

1. In primitiva Ecclesia aliqui post conju-  
gium sebant Sacerdotes, sed nunquam post Sacer-  
dotium sebant conjugari.
2. Græca Ecclesia à secundis nuptiis prohi-  
bet Sacerdotes. Paulus à Sacerdotio prohibet bi-  
gamos.
3. Vsu uxori non permittebatur Sacerdoti  
conjugato.
4. Merito Ecclesia Latina indixit caliba-  
tum; eademq[ue] ratione quâ pro personis sacratis ur-  
getur conjugium, pro aliis urgeri possit polyga-  
mia.

Quod ad cælibatum Clerico-  
rum attinet, fatemur, in pri-  
mitiva Ecclesia consuetudinem  
fuisse (quam Græci adhuc reti-  
nent) ut is qui uxorem virginem  
acceperat, si propter vitæ integri-  
tatem dignus Sacerdotio esse vi-  
debatur, in Sacerdotem conse-  
crari posset: sed nunquam visum  
fuit in Ecclesia sub Novo Testa-  
mento, ut is qui jam erat Sacer-  
dos, uxorem duceret. Unde vige-  
simus

1.  
Olim con-  
jugati  
sebant  
Sacerdo-  
tes: at Sa-  
cerdotes  
non fie-  
bant con-  
jugati,  
ex Cano-  
ne Apo-  
stolico.